



PLANTER

Estd-5.2.1982



MOTTO : "PRO-CHRISTI ET ECCLESIA" (FOR CHRIST AND THE CHURCH)



Highlights

CLASS XI (Arts & Science) TE'N SCHOOLAN RAWN LUT TA

May 27-29, 2024 chhung khan kan School-a Class XI (Arts & Science) luh dilte'n interview an nei a. May 30-ah Result hi tar chhuah niin, heta tlingte hian vawiin hian an ni hmasa ber atan School an rawn lut ta a. Kan School tihmingthatu, School tana mi chhenfakawm leh zirna kawnga hlawhtlinna chang chho zel turin duhsakna kan hlan a ni.

LAY DAY HMAN ANI

Synod hnuuia thawktute inzawm pawl SLWF (Synod Lay Workers Fellowship) chuan Synod Hospital, Durlangah May 31, 2024 (Zirtawpni) khan LAY DAY an hmang a. Kan School atangin thawktute pawh he hun hmang hian an tel a ni.

CHARITY ATAN THAWH THEIH RENG ANI

Kan zirlai chhuak tawh leh zir mekte'n kan School Uniform hlui, Zirlaibu leh thil dang (Box, pen, pencil, etc)-te zirlai harsa zawkte tan engtik lai pawhin thawh theih reng a ni a, School Office kawtkaiiah Charity Box hi hun a ni a. Hetah hian mi dangte tana malsawmna ni turin a dah theih reng a ni.

INTERNATIONAL BIODIVERSITY DAY-AH TEL

May 22, 2024 khan Biodiversity Research Centre (Dept. of EVS) & ECO Club, MZU te buatsaih, International Biodiversity Day Celebration, MZU Campus-a hmanah kan zirlai pahnih Lalchhuanawmi Vuite 12/B-13 leh Vanlalchhuanawmi 12/C-21 te chu Sir C.Lalfakzuala leh Miss Lallawmzuali te nen an tel a. He hun hi hlawkthlak an ti hle a ni.

HSSLC RESULT TIHCHHUAHAH KAN SCHOOL RESULT A THA

5th June, 2024 : Mission Vengthlang, Aizawl: MBSE (Mizoram Board of School Education)-in May 21, 2024-a HSSLC (Higher Secondary School Leaving Certificate) a tihchhuahah kan School Result a tha thawkhat viau a. Hetiang hi kan dinhmun a ni:

SCIENCE

No. of Candidate	:	106
No. of Passed	:	81
No. of Failed	:	25
No. of Compartment	:	0
Pass Percentage	:	76.42%
Distinction	:	7
First Division	:	64
Second Division	:	10
Third Division	:	0

ARTS

No. of Candidate	:	221
No. of Passed	:	210
No. of Failed	:	10
No. of Compartment	:	1
Pass Percentage	:	95.02%
Distinction	:	30
First Division	:	100
Second Division	:	69
Third Division	:	11

TOPTEN IN HSSLC (ARTS)

Name	Rank
Vanlalkohbiki	4 th
C.Lallawmawma	4 th
T. Ramdinpuia	10 th

SUBJECT TOPPER

Name	Subject	Mark
Vanlalkohbiki (Arts)	English	93
H. Vanlalremruatpuii (Sc)	English	93

School-in result tha tak mai kan nei thei hi Pathian min awmpuina vang leh, zirtirtute leh zirlai thawhrah a ni a. Tuna zir mekte pawhin kum dang zelah result tha tak kan neih theuh theih nan theih tawp kan chhuah a tul hle a ni. Vanneihna chang zo ta lote pawh hnual mai lova, vanneihna tha zawk dawn theihna hmanruaah hmang turin duhsakna kan hlan e.

Editor

Lalthantluanga Chawngthu
Mb. No. 8014344688

Joint Editors

F. Lalrinzuala
Vanlalremruata

Cir. Managers

Lalrinzuali
Rebecca Rosangpuii
Esther Lalruatkimi

Editorial**Board***News Editors*

Lalrintluangi	XII/A-7
Lalrinzuali	XII/C-1
Mesak Lalrinhlua Varte	XII/C-34
Remruatfela	XII/D-65
Marcus Lallawmawma	XII/E-69
Lalthianghlimi	XII/F-45

Editorial...**NI CHIAH E!**

Mi dangte nun kawng dik lo siam tha tur hian hremna ringawt hi a tawh lo fo. Hmangaihna nena kan fuih a, an chungah eng nge thleng, eng thil nge an hma chhawna hetiang an lo awm tihte hi ngaihtuah hmasa ila. An pheikhawk kan bun ve a, an rah leilung kan rap ve a nih ngawt loh chuan sawiselnate hi kan sim a tha hle. Tunlaia mi fng chuanin Side A atang ringawtin ngaih dan an siam zung zung tawh lo va, Side B an ngaihtuah tel a, chuta tang chuan thuthlukna an siam thin. Chutiang chuan keini pawhin thuthlukna siam kan tum ve thin tur a ni.

Kan inrawlh lohna turah hian kan inrawlh tam lutuk em tihte hi kan ngaihtuah fo a tul ka ti hle bawh. Mi dangte nun emaw, an chhungkaw nun thleng maia inhriatsak leh zawh kan inching khawp mai, zep chin leh sawi chhuah duh lohte pawh an lo nei thei a. Chu mai bakah, thurawnte hi kan han inpe thla zen a, mamawh loh thurawnte hi kan dawng fo thin ang ti r'u?

Chutiang chiahin tute emaw thil ti lai hmu ila, a hre ber awm ang ziazangin, "Chutiang khatiang chuan ti ula" kan lo ti ve sek a. A ti mektute'n engtiang chiahin nge an thil tih turah ngaihtuahna an sen tih lam an ngaihtuah leh si lo. A dawngsawngtu lam tan a ninawmna lam kan ngaihtuah thin lo. Thurawn tam tak hi chu a dawngsawngtu tan thatna a ngah a. A zawng azaa thurawn kan inpe thla zen mai te erawh a ninawm a, thil tul ber pawh niin a lang lo.

NSS HNATLANG

-C.Lalrintluanga, P.O., Synod HSS NSS Unit

May 18, 2024 (Inrinni) khan Assembly Hall kawmchhak School huan chu Orchid Park atan cheibawlin NSS Volunteer 30 vel leh P.O te an hnatlang. School huanah hian Park bench dahna tur hmun eng emaw zat laih zawl a ni a, inkal pawhna kawng ruh sial a ni bawh. Bawhlhlawh chhar fai a ni a, saidawium keh, zum leh hriam tam tak then fai a ni bawh.



Orchid Park-ah hian nauban eng emaw zat dah tawh a ni a. Miss Noelle-i te, Miss Zikpuii(ZPS) te, Sir Sangtea te'n nauban min pe a. Miss Tetei'n Shillong ami min chahsak bawh. Nikum lam khan zirlai zingah nauban donate an awm zauh zauh a, kan lawm thin hle. Nauban hi lei mai tur pawh a vang fu a, zirlai leh thawktu zingah donate thei kan awm chuan kan lawm hle ang.



Inrinnia hnatlangah hian nikuma kan thei phun- Theihai 8, Thingfanghma 1 leh Sarzuk 1 chu a bul sam faiin bawngkek lei tha kan pe bawh. Dar 12:00 velah khuain min bumro avangin duh angin hna kan thawk hman ta lo va, kan ui hle. Hnatlang ei tur Arsa kg 3 lai Miss Lani'n min tumsak a. Miss Zuitei'n ei rel nan choka min hmantir bawh a, an chungah kan lawm hle. Tin, hemi nia hnatlang thawk chhuak Boys Hostel leh Girls Hostel-a NSS Volunteer-te chungah kan lawm takzet bawh a ni.

TOP TEN IN HSSLC (ARTS) EXAMINATION, 2024

VANLALKOHBKI 4th POSITION




English	: 93	Mizo	: 93
Pol. Science	: 88	Edn.	: 93
Economics	: 90	Total	: 454
Percentage	: 90.8%		

C. LALLAWMAWMA 4th POSITION



English	: 88	Mizo	: 95
Pol. Science	: 88	Edn.	: 93
History	: 96	Total	: 454
Percentage	: 90.8%		

T. RAMDINPUIA 10th POSITION



English	: 85	Mizo	: 89
Pol. Science	: 90	Edn.	: 90
History	: 90	Total	: 454
Percentage	: 88.8%		

SUBJECT TOPPERS IN ENGLISH, 93 MARKS

VANLALKOHBKI (ARTS)




H. VANLALREMRUATPUII (SCIENCE)




DIFFERENT QUOTES


by *Different Thinkers*

 I nui hmel ringawt pawh hian mi a tihlim thei a. I tawngkam tha ringawt pawh hi tu emaw tan chuan damdawi a tling a ni.


Lalmuanpuii, XII/B-19

 Nangin “Ka hmangaih” i tihte chu keiin “Ka thiante” ka ti ang a. Nangin “Ka huatte” i tih chu keiin, “Hmelmate” ka ti ang a. Nangin “Ka pasal” i tih chu keiin “Khawvela mi vannei ber” ka ti ngei ang le.


Lalremruata, XII/B-41

 Mi pakhat ve mai i ni a; mahse, mi pakhat chu i ni. Thil engkim i ti thei vek lo va; nimahsela, thil eng emaw chu i thei. I thil tih theih lohte avangin i tih theihte chu tih thulh phah suh.


Lalchhuanawmi Vuite, XII/B-13

 Khuarelin a duan lawk sa thilte hi keini mihringte hian kan duh thua lo tihdanglam ve theih a ni si lo.


C. Vanlalmawii, XII/B-3

 Eng mah lo mai tur atan chuan heng hrehawmnate hi i tuar lo. Beiseina nung nen hma lam pan zel rawh.


Esther Lawmsangpuii, XII/B-6

 Ni e, kan beidawng thin ngei alawm. Mahse, chu thil chu a ni lo’ m ni hringnun ti hringnuntu chu. Bei la, hneh ngei ang che.

Lalremruati, XII/B-25

 Tuna kan hlimpui em em te hi an ral hnuah nang chu la cham la, tuna kan chaknate hi kan neih tawh loh hnuah pawh, infuih tawna hma lam thlir zelin aw!

Lalrempuii, XII/B-24

 Mi tanpui thin chuan a mamawh hunah puihna a dawng thin.

Laldinsangi, XII/B-14

CHRISTMAS TRUCE

Khawvel Indopui I-na hun lai khan German sipai leh British sipaite chu, Krismas urlawk zanah indo turin an inep ut mai a. Engtikah nge kan inkah ang, tu lam chan nge tha zawk ang tia an inngaihtuah laiin German sipai pakhat chu lo pen chhuakin, “*Zan thiang reh lai takin*” tih hla a rawn sa chhuak ta a. Sipai dangte pawhin an lo zawm dual dual a. Chutah, an hmelma sipaite ngei pawh chuan lo zawm vein, chu indona hmuna inkap mai thei dinhmuna dingte chuan lungual leh hlim takin hun an hman ho ta thung a ni. Hemi zana hmelma pahnihte inremna hi **Christmas truce** tiin an sawi a, a ropui em avangin khawvel thu leh hla tha chanchinah chuan theihngilh theih a ni tawh dawn lo a ni. Hei hian a lan chiantir chu thu leh hla tha chuan hlauhawm karah pawh huaisenna min pe a, hmelma inkarah pawh inremna a lo siam thei tih hi a ni. (-Editor)

MEGA RIVER CLEANING NEIHNAAH KAN SCHOOL KAN TEL

May 24, 2024 (Zirtawpni) khan NSS Cell, Mizoram, Sports & Youth Services Department leh Save the Riparian-te buatsaih Tuikual lui thenfai hnatlang neih a ni a. Heta tel zawng zawngte hi mi 500 dawn an ni. Hemi hunah hian kan School atangin NSS Volunteer mi 72 (Class XII/D leh NSS P.O pathum: Sir Joseph Vanlalhruaia Sailo, Sir C. Lalrintluanga leh Sir Lalthantluanga Chawngthu te chu an tel ve a ni.



He hun hi Pu Lalduhoma, Chief Minister leh Pu Lalnghinglova Hmar, Minister i/c Sports & Youth Services-te chuan a tawp thlenin an hmanpui ve a ni. Hemi hunah hian NSS Cell, Mizoram in NSS Unit-te tel tura a thlan chhuah School, College leh University atangin kan School-in kan thawh tam ber a ni.



TRAINING-AH TEL

Plan India buatsaih **The Birds and Bees Talk Programme Teachers Training**, Dt. 6.5.2024-a Cultural Centre cum Auditorium, Vaivakawna neihah kan zirtirtute pahnih- Dr. Vanlalvanga Ralte leh Timothy V. Ngente te an tel ve a, hlawhtling takin an training zo thei a ni. The Birds and Bees Talk hian a tum ber chu naupang leh tleirawlte nunkawng dik an zawh theih nana taksa leh rilru lama buatsaih a ni. Naupang mahni taksa zahawm taka enkawl leh vawn te, mipat hmeichhiatna kawng dik kawhhuhte a tel baw a ni.



Article

KA TI THEI!

-Elloryne Marapawpi Syhlyh, XII/B-5

Hringnunah hian mihring tawh phawt chuan harsatna te, buaina te, lungngaihna te, tahna leh mangannate taw lo tu mah kan awm lo va, chung harsatnate hma chhawn dan tur chu thiam a ngai a, hma chhawn kan hneh a tul thin. Harsatna hma chhawn tur hian tu pawhin theihna kan nei vek a, kan lo inhre lo mai thin a ni. Harsatna kan tawhte a inang lo theuh va, tuar bik leh taw lo bik kan awm lo. Mihring inang kan awm lo va, nungchang leh mize hrang nei theuh, theihna dang dang nei vek theuh kan nih angin kan theih lohna pawh a inang lo a ni. A pawimawh ber ni ta chu, "**Ka tithei a ni**" tih hriat hi a ni. Ruat bik leh chang tur bik an awm lo va, mi pawhin an tih theih chuan ka thei ve a ni ti ve zel ila. I tum takzeta, i beidawn loh chuan i hlawhtlin ngei ka ring.

Bul tan that leh hi thil harsa tak pakhat a ni a, a harsat chhan ber nia lang chu a awm lo, a chhan chu i duh phawt chuan bul i tan tha leh thei. Thil engkim theihngihl tum kher hi a ni lo va, hmun danga kal bo emaw mi thar tawn kher hi a ngai lo va, mahni kan inpeih hun apiangah bul kan tan tha leh thei a ni. I duh anga thil lo thlen hun nghak lo la, i duh ang thlentir theihna turin tun hun hi hmang zawk la, i thil tih thin dan aia tha zawka ti turin i thil tum ruahman la, i rilru ngaihtuahna ti thar la, hun kal tawh chu a tangkai loh em avangin theihngihl tum la, i hriat reng pawhin nun hohzia hre chhuak la, hma i sawn a ni tih hun kal tawh chuan hril se, hun kal tawh leh i nun hlui avanga i chak tawhzia leh hnehtu i nihzia hria la, i hun kal tawha i harsatna tawhte chu i inzirna a ni tih hria ang che.

'**Tumna**' chuan hma hruai sela, i tih theih chin bak chu Pathian kutah ngat la, a tanpui ngei ang che. Pathian chu engkimtithi a ni a, mahse a hun taka che thin leh remruat thin a ni. I tawngtaina a hria a, a ngaitla a, hun a tih hunah a chhang ang che. I duh leh ngenna chu thleng thuai thuai turin i duh a, i tana tha leh tha lo tur eng mah i hre lo, hria emaw i inti a, i duhna ngawt chu i ngaihtuah a, i dil a, a chhanna i hmu lo va, i ngei a. Pathianin i tana tha tur a hria a ni tih hria la, tawngtai fan fan la, chumiah chuan lawmthu hril chungin ngaihven rawh. (**Kolossa 4:2**).

I HRIAT RENG TUR

- © Savain a dam laiin chaw atan fanghmir a ei thin.
- © Sava chu a thih hnuah fanghmirin chaw atan an ei ve thung!
- © Hun leh dinhmun hi engtik lai pawha inthlak thei reng a ni tih hria la.
- © Tu mah hnuachhiah lo la, tu rilru mah tina hek suh ang che.
- © Hun hian nang aiin thil a ti thei fe tih hre reng la.